



12. januar 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

1. Naalakkersuisut qaqugumita imminut toqunnissamik pinaveersaartitsinissamut periusissiaq saqqummiunniarpaat?
2. Oqarasuaatikkut saaffiginnittarfik Tusaannga-mi sulisut ilinniakkat suut tunngavigaat?
 - a. Naalakkersuisut nassuiarsinnaanerlugu aaqqiissut tamakkiisumik atorneqarnerisq?
 - b. Naalakkersuisut Tusaannga nalilersoqqinnissaa siunertarinerlugu?
3. Imminut toqunnissamut pinaveersaartinneqarnissamut pillugu tarnip nakorsaanut katsorsarneqarnissamut innersuunneqaqqaartariaqarpoq. Naalakkersuisut paasissutissiisinnaanerlutik katsorsarneqarnissap aallartinnissaanut utaqqineq qanoq sivisutigisarnersq?
 - a. Naalakkersuisut paasissutissiisinnaanerlutik katsorsaanernut qanoq amerlatigisut tiguneqarsinnaanersut?
 - b. Utaqqinerup sivisussusaa qanoq isikkulik Naalakkersuisut akuersarneqarsinnaasutut isigaat?
 - c. Naalakkersuisut ilisimatitsisinnaanerlutik tarnit pissusaanik nakorsat aammalu tarnikkut nappaateqartunut nakorsat tarnikkut nappaatilinnut immikkoortortaqaarfimmi suliffissat amerlassusilerneqarsimaneri qanoq isikkoqarnerisut?
4. Naalakkersuisut imminut toqunnissamut pinaveersaartitsinermut periusissiami suliaqarnermi peqqinnissaqarfik, matumanilu tarnikkut nappaatilinnut immikkoortortaqaarfik qanimut malinnaatinnerlutikkitt?
5. Naalakkersuisut pinaveersaartitsinermik suliaqarnerminni meeqqat inuusuttullu nipaateqataatinneqarnissaat qanoq qulakkeerniarpaat?
6. Naalakkersuisut sulissutiginiarnerlugu oqartussat akornanni ataqatigiissarineq suleqatigiinnerullu nukittorsernissaa, tassami innuttaasunut aammalu ikiorserneqaleruttortunut imminut toqunnissamut pinaveersaartitsineq immikkoortuummata?



- a. Taamaattoqarneranik qulakkeerinnikkussi; Nukiit aammalu aningaasatigut sinaakkutit qanoq annertutigisut Naalackersuisuniit qulakkeerniarpisigit?
- b. Aningaasatigut allaffissornikkullu kingunissat qanoq isikkoqassappat ingerlatsinissamut immikkoortitsisoqarniarpat, oqartussat akornanni suleqatigiinnerup annertusarneratigut nukittorserneratigullu?

7. Naalackersuisut sammisamut allamik paasisutissiisinnaanerlutik?

(Inatsisartunut Ilaasortaq Anna Wangenheim, Demokraatit)

Tunngavilersuut

Ajorluinnarpoq Nunatsinni imminut toquttarnerup suli annertuallaarnera. Maannakkut pisuni aammalu atuakkiortoq ilisimaneqarluartup Niviaq Korneliussen aqutigalugu Imminut toquttarnermut pinaveersaartitsinissamut periusissiaq aggersoq immikkut sammineqarlualersimavoq.

Tamannalu isumaqarpoq innuttaasut akornanni aamma pitsaanerusumut ingerlanissamut periarfissat isumalluarfigineqalersimmamata. Tamannalu aamma isumaqarluni siusinnerusukkut pinaveersaartitsinermut periusissiat pequtit assigiinngitsut pequtigalugit ajulusoortarsimasut nalilersoqqissallugit, agguaqatigiissillugumi imminut toquttarnerup kisitsisaata ukiuni qulikkaani suli allanngorsimangimmat. Imminut toquttarnermut pinaveersaartitsinermut PIKKORINNERULERTARIAQARPUGUT.

Naalackersuisut oqariartuuteqartarnermikkut neriusaarutaat tusarluarnarpoq pinaveersaartitsineq inuusuttut sumiiffiini aammalu nuannaartorisaannik atorluannikkut pissasoq – aammalu sumiiffinni aaliangersimasukkaartuni. Taamaattorli imminut toqunnissaminnut eqqarsaateqarlutik eqqugaaqqallutik unitsinneqarsimasunut oqariartuuteqarnissaq maqaasivara. Taakku eqqaaneqartut piffissaq sivisuup iluani ikiorserneqartussatut inissisimasarput, inuunerlu pitsaasumut ingerlariaqqinnissaannut ikiuisussat immikkut piginnaasallit pisariaqartippagut.

Apeqquteqaatigisakka immikkut iliuseqarnerup nukittorsernissaanut ataqqatigiissaarinerullu annertusarnissaanik paasisaqarnissamik siunertaqarput, iliussissat tigussaasut assaat nukissalinnik pisariaqartinneqartunik imminullu toqunnissaminnut eqqarsaateqartuusunut oqaloqateqartussanut kinguneqartitsipallattussanik.

Aningaasatigut sinaakkutaasussat pisariaqartinneqartut paasisaqarfigerusuppakka, politikikkullu isumaqatiginninniarnissatsinnut tunngavissaqartikkumalluta. Taamatuttaarlu Naalackersuisut



imminut toqunnissamut pinaveersaartitsinissamut katsorsarneqarsimanissamut utaqqisarnerup sivilissusaanut isumaat paaserusuppara.

Uanga isumaga unaavoq, inuit eqqaaneqartut sukkanerpaamik takuneqartassasut, ullullu tallimat iluanni innersuunneqareernikkut katsorsartinnissaq aallarnisarneqartarnissaata ingerlatsinerup ataqqilluinnaqqissaartariaqaraa. Tamanna kommuunit peqqinnissaqarfiullu suleqatigiinnerisa annertunerunissaanik malitseqaqqaartariaqarpoq, aammalumi inuk pineqartoq ingerlariutsillu akornanni.

Apeqqutit ullut qulit suliffiusut iluanni akineqareersimanissaat kissaatigaara.